

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

KULTURA ETA KIROL SAILA

116/2020 Foru Agindua, ekainaren 18koa. Arabako Ehiza Federazioaren hauteskunde araudiaren aldaketa onesten duena

Euskadiko kirol federazioen gaineko urtarrilaren 31ko 16/2006 Dekretuak dio, lehen xedapen iragankorrean, kirol federazioek egokitu egin behar dituztela beren arautegiak Dekretu horretan xedatutakora.

Eusko Jaurlaritzako Kultura Sailburuaren 2012ko otsailaren 19ko Aginduaren bidez, Euskadiko eta lurraldeetako kirol federazioen hauteskunde arautegiak gertatzeko eta haietan hauteskundeak egiteko irizpideak finkatzen dira. Agindu horretan, bertan xedatutakora egokitutako hauteskunde arautegi bat behar dela esaten da.

16/2006 Dekretuaren 69.2 artikulua nahiz aurretik aipatutako otsailaren 19ko Aginduaren 5. artikulua, 3. puntuak, esaten dute Arabako lurraldeko kirol federazioen hauteskunde arautegiak Arabako Foru Aldundiaren organo eskudunean aurkeztu behar direla.

Arabako Foru Aldundian kirolaren arloa Kultura eta Kirol Sailari dagokio.

2019ko abenduaren 4ko 15055 zenbakiko idazkian, Arabako Ehiza Federazioak eskatu zuen administrazioak onetsi zitza 2019ko abenduaren 3ko ohiko batzar orokorrak onartutako bere hauteskunde arautegiaren 5 artikulua moldaketa.

Horren ondorioz, dagozkidan eskumenez baliatuz, hauxe

XEDATZEN DUT

Lehenengoa. Arabako Ehiza Federazioaren hauteskunde arautegiaren moldaketa onartzea.

Bigarrena. Ebazpen hau eta bere eranskina ALHAOn argitaratzea.

Hirugarrena. Foru agindu honen bidez onartutako Arabako Ehiza Federazioaren hauteskunde arautegiaren onarpenaren kopia bidaltzea Eusko Jaurlaritzako Kirol Erakundeen Erregistroa.

Laugarrena. Ebazpen honek administrazio bidea agortzen du. Dena dela, urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan xedatzen duenaren arabera, aukerako berraztertze errekurtsoa jar daskioke Kultura eta Kirol Saileko foru diputatuari, hilabeteko epean, egintza hau jakinarazi eta hurrengo egunetik aurrera, edota zuzenean administrazioarekiko auzien jurisdikzioan aurka egin daskioke bi hilabeteko epean, egintza hau jakinarazi eta hurrengo egunetik aurrera, administrazioarekiko auzietarako epaitegietan, uztaillaren 13ko 29/1998 Legeak, administrazioarekiko auzien jurisdikzioa arautzen duenak, 46.1 artikuluan ezarritakoaren arabera.

Vitoria-Gasteiz, 2020ko ekainaren 18a

Kultura eta Kirol Saileko foru diputatua
ANA M. DEL VAL SANCHO

Kirol zuzendaria
PABLO DE ORAÁ OLEAGA

ERANSKINA**ARABAKO EHIZA FEDERAZIOAREN HAUTESKUNDE ARAUTEGIA****I. TITULUA****BATZAR NAGUSIRAKO HAUTESKUNDEAK****I. KAPITULUA****HAUTESKUNDEETARAKO DEIALDIA****1. artikulua. Hauteskundeen prozesuaren hasiera**

2008 urte olinpikoko hauteskunde prozesua Hauteskunde Arautegi honetan xedatzen denaren arabera arautuko da eta kasu guztietan egokituko da Federazioaren Estatutuetan, hauteskunde arautegiak egiteko eta Euskal Herriko eta lurraldeko kirol federazioen hauteskundeak egiteko irizpideak ezartzen dituen Eusko Jaurlaritzako sailburuordearen 2008ko urtarrilaren 28 Aginduan, Euskal Herriko Kirol Federazioen urtarrilaren 31ko 16/2006 Dekretuan eta Euskal Herriko Kirolari buruzko ekainaren 11ko 14/1998 Legean ezarritakora.

2008 urte olinpikoko hauteskunde prozesua kirolen alorrean eskumena daukan Arabako Foru Aldundiko erakundeak hauteskunde arautegiari onespren administratiboa eman ondoren hasiko da eta Batzar Nagusiaren hauteskunde prozesuak gutxienez 2008ko azaroaren 30a baino lehen bukatu beharko du.

Aurreko paragrafoan ezarritakoa kontuan izanik, arautegi hau onesten duen Batzar Nagusia egin ondoren, hamabost eguneko epean gehienez, arautegia kirolen alorrean eskumena daukan Arabako Foru Aldundiko erakundeari bidali beharko zaio hark behin betiko onetsi dezan.

Arabako Foru Aldundiko erakunde horrek arautegia onetsi ondoren, Federazioko Presidenteak kargua utziko du (Zuzendaritza Batzordea baldin bada, hark ere bai) hamar eguneko epean gehienez, azken Batzar Nagusian izendatutako Hauteskunde Batzordea egiteko deialdia egingo da erakunde horrek hauteskunde prozesua hasteko beharrezkoak diren erabakiak hartzeko.

Hauteskundeen prozesua hastearen ondorioz Presidenteak kargutik kentzen denetik bere zereginetan jarraituko du (Zuzendaritza Batzordea baldin bada, hark ere bai).

Lehen adierazitako epea igaro ondoren Presidenteak hauteskundeen prozesua hasteko ez baldin badu Hauteskunde Batzordearen bilera egiteko deialdia egiten, aipatutako Batzar Nagusia osatzen duten kide guztien ehuneko 5etik gorako ordezkariak duen edozein kolektibok egin ahalko du Hauteskunde Batzordea egiteko deialdia hauteskundeetako izapideak hasteko helburuarekin.

Arautegi honetan aurrez ikusten den Hauteskunde Batzordea egiteko deialdia gauzatzeko, aldeztatik Federazioaren azkeneko Batzar Nagusian izendatua izan beharko du (titularrak eta ordezkariak) lau urterako eta hark aurreko aldirian zeregin horretan aritu izan dena ordezkatzeko du.

2. artikulua. Hauteskundeetarako deialdia

Batzarrak izendatzen duen Hauteskunde Batzordeak estatutuetan ezartzen den epean osatu beharko du, baita Batzar Nagusia osatzeko hauteskundeak egiteko deialdia egin ere; estatutuetan aurrez ikusten ez baldin bada, Presidenteak deialdia egiten duenetik hamar laneguneko epean gehienez egin beharko da hauteskundeak egiteko deialdia.

Horrez gain, hauteskundeen deialdiak honako akordio hauek barne hartuko ditu gutxienez:

a) Hauteskunde Batzordeak behin-behinean onetsitako hautesle-errola.

b) Hurrengo Batzar Nagusiko kide kopuru zehatza ezartzea eta haien banaketa estamentuka, dagoen hautesle-errola ikusita eta estatutuetan eta hauteskunde arautegi honetan xedatzen denaren arabera egitea.

c) Hauteskunde Batzordeak onetsitako hauteskunde-egutegia.

d) Bozkatzeko txartel, gutun-azal, kandidaturen inprimakiak eta antzeko dokumentuen eredu ofizialak, Hauteskunde Batzordeak onetsitakoak.

e) Hauteskunde Batzordearen osaketa osoa, titular eta ordezkoen zerrenda osoa, eta Presidente eta Idazkariaren izendapena barne.

Batzar Nagusietarako hauteskundeak egiteko deialdia egin ondoren, deialdia jendaurrean jarriko da Federazioaren egoitzan dagoen iragarki-oholean eta bere web orrialdean (web orrialdea baldin badauka) behin-behineko hautesle-errola, hauteskundeetako egutegia eta hauteskunde arautegiarekin batera.

Gainera, hauteskunde prozesu hau egin baino lehenagoko denboraldian Federazioaren diru-sarrera eta gastuen aurrekontua 60.000 euro baino gehiagokoa izan baldin bada, hauteskundeen deialdia eta bere hauteskunde-egutegiaren laburpena Araban zabalduen dagoen egunkarian gutxienez iragarri beharko dira.

Hauteskunde Batzordeak edo administrazio erakundeak haren izenean (Presidente edota Zuzendaritza Batzordea) kirolen alorrean eskuduna den Arabako Foru Aldundiko erakundeari hautesle-errola, hauteskundeetako egutegia eta hauteskunde arautegiaren kopia bat bidaliko dio haren hedapen osagarria bermatzeko.

3. artikulua. Batzar Nagusiaren osaketa

Federazioaren Batzarra federazioko estamentu bakoitzeko ordezkariak osatuko dute, estatutuek horren inguruan xedatzen dutenaren arabera.

Hauteskundeen aldi berriko Batzar Nagusiko kide kopurua zehazteko Federazioaren Estatutuetan berriaz adierazten ez baldin bada, Hauteskunde Batzordeak dagokion hautesle-errola behin-behinean onetsi beharko du eta horretarako, Federazioaren Estatutuetan bertan, Hauteskunde arautegi honetan, hauteskundeetako arautegiak lantzeko eta kirol federazioetako hauteskundeak egiteko irizpideak ezartzen dituen Eusko Jaurlaritzaren Kultura sailburuaren 2008ko urtarrilaren 28ko Aginduan, Euskal Herriko Kirol Federazioei buruzko urtarrilaren 31ko 16/2006 Dekretuan eta azkenik, Euskal Herriko Kirolari buruzko ekainaren 11ko 14/1998 Legean jasotako zehazpenak kontuan hartu beharko dira.

Hautesle-errola onetsi ondoren, eta Batzar Nagusiaren osaketa markatzen duen datuari buruzko estatutuetako aurreikuspenak kontuan izanik, Hauteskunde Batzordeak Federazioaren hurrengo Batzar Nagusia osatu beharko duten kideen kopuru zehatza zehaztuko du eta kideen banaketa Estatutuetan bertan adierazten diren ehunekoaren arabera banatuko dira, eta banaketak ezin izango du inolaz ere hauteskundeetako arautegiak lantzeko eta kirol federazioetako hauteskundeak egiteko irizpideak ezartzen dituen Eusko Jaurlaritzaren Kultura sailburuaren 2008ko urtarrilaren 28ko Aginduan eta Euskal Herriko Kirol Federazioei buruzko urtarrilaren 31ko 16/2006 Dekretuan jasotako desberdinak izan.

4. artikulua. Hauteskundeetako Egutegia

Hauteskunde Batzordeak hauteskundeak egiteko egiten duen deialdiarekin batera egutegia eta behin-behineko hautesle-errola argitaratuko dira eta Federazioan dagoen iragarki-oholean ikusgai jarriko dira. Bertan, Batzar Nagusia osatuko duten kideen kopurua adieraziko da, baita haien estamentukako banaketa ere, eta egutegiko bost eguneko epea irekiko da Hauteskunde Batzordearen aurrean erreklamazioak aurkezteko.

Epe hori igaro ondoren, Hauteskunde Batzordeak egutegiko lau eguneko epean ebatziko ditu aurkeztutako erreklamazioak eta helegileei hartutako erabakien berri emango zaie.

Zazpi laneguneko epea irekiko da estamentu desberdinetako ordezkari izateko hautagaien zerrenda aurkezteko.

Hautagaiak aurkezteko epea bukatu eta lanegun bat geroago, hautagaien behin-behineko zerrendak aurkeztuko dira.

Bi laneguneko epea irekiko da estamentu desberdinetako ordezkari izateko hautagaien aurka egiteko.

Epe hori igaro ostean, Hauteskunde Batzarrak lau laneguneko epean ebatziko ditu erreklamazioak eta helegileei hartutako erabakien berri emango zaie. Orduan, behin betiko hautagaien zerrendak argitaratuko dira eta hauteskunde mahaiaren osaketa hautatuko da.

Hurrengo zazpi egunen artean egun bat ezarriko da bozketa gauzatzeko eta hauteskundeetarako ezarritako egunean ezin izango da probintzia edo autonomia erkidego mailako kirol proba edo lehiaketa ofizialik antolatu.

Hauteskundeen osteko lehenengo lanegunean hauteskundeen behin-behineko emaitzak argitaratuko dira.

Lau laneguneko epea irekiko da hauteskundeen behin-behineko emaitzen aurka egiteko.

Epe hori igaro ostean, Hauteskunde Batzordeak erreklamazioak egutegiko lau eguneko epean ebatziko ditu, interesdunei hartutako emaitzaren berri emango zaie eta Batzar Nagusiko kide berriak aldarrikatuko dira, eta hori Federazioaren iragarki-oholean argitaratu beharko da, baita bere web orrialdean ere (web orrialdea baldin badauka).

5. artikulua. Hautesle-errola

Hautesle-errola estatutuetan eta indarrean dauden legezko xedapenetan adierazten diren betekizunak betetzen dituzten eta Federazioan sufragio eskubidea aldi baterako nahiz behin betiko kendu ez zaien pertsona fisiko eta juridiko guztien zerrenda jasotzen duen agiria da.

Hautesle-errolako inskripzioan pertsona fisikoen kasuan beren izen-abizenak, NAN zenbakia eta federazioaren lizentziaren zenbakia jasoko dira gutxienez. Pertsona juridikoen kasuan, inskripzioan sozietatearen izena, Identifikazio Fiskaleko zenbakia eta federazioko afiliazio zenbakia jasoko dira gutxienez.

Hura osatzea eta onestea Hauteskunde Batzordeari dagokio. Presidentetzak hauteskundeen prozesua hasteko Hauteskunde Batzordea egiteko deia egin ondoren eta errola, fitxategi, datu estatistiko, zigorren erregistro eta Federazioan eragina daukaten gainerako agiriak eskura izanik Batzordeak hauteskundeak egiteko deia egin eta egutegia lantzen duen aldi berean, behin-behineko onspena emateko erabakia hartu beharko du.

Hautesle-errolak sekzioka, estamentuka ordenatuta egon beharko du. Hortaz, honako hauek egongo dira:

a) Klub eta kirol taldeen sekzioa: bertan Euskal Herriko Kirol Erakundearen Erregistroan inskribatuta eta federaziora adskribatuta egonik, hauteskundeak egiten diren denboraldian kirolean diharduten kirolariei eta aurreko denboraldian izan dituztenei, eta gainera, hauteskundeak egiten diren denboraldian eta aurrekoan kirol jarduera garrantzitsua izan dutenei dagozkien hiru lizentzia gutxienez izapidetuta dauzkaten klub eta kirol talde guztiak jasoko dira.

Kirol jarduera egiaztatzeko baldintza esanguratsuak. (Jarraian agertzen diren hiru eskakizunetatik bat bete beharko da gutxienez).

1.- Gutxienez kirol-txapelketa bat antolatu izana legegintzaldiko 4 urteetan, hauteskunde-prozesu bakoitzaren aurretik, Arabako Ehiza Federazioa osatzen duten eta Arabako federazioaren kirol-egutegi ofizialean alde aurretik sartuta dauden kirol-diziplinetako edozeinetan.

2.- Arabako Ehiza Federazioarekin elkarlanean aritu izana gutxienez Arabako Ehiza Txapelketa bat antolatzen, edozein kirol-diziplinatan, legegintzaldiko 4 urteetan, hauteskunde-prozesu bakoitzaren aurretik.

3.- Hauteskunde-prozesu bakoitzaren aurretik, AEFren egutegi ofizialean, edozein kirol-diziplinatan, sartuta dauden elkarteek (klub) arteko lehiaketa batean klub edo kirol-talde gisa parte hartu izana legegintzaldiko 4 urteetan.

Klub edo kirol talde bakoitzak estatutueta horri buruz adierazten denaren arabera dagozkion boto kopurua eman ahalko du dauzkan kirolari federatuen kopuruaren arabera.

b) Kirolarien sekzioa: bertan hautesle-errola onesten denean 16 (hamasei) urte baino gehiago dauzkaten eta hauteskundeak egiten diren denboraldian eta denboraldi horren aurrekoan ere indarrean egon den lizentzia daukaten kirolari guztiak sartuko dira.

c) Teknikarien eta epaileen sekzioa: hauteskundeak egiten diren denboraldian eta denboraldi horren aurrekoan ere indarrean egon den lizentzia daukaten pertsonak (estamentu bakoitzekoak) sartuko dira, lizentziaren kategoria zeinahi izanda ere.

Ezin izango da inolaz ere hautesle-errolako bi sekziotan azaldu. Hori gertatzen baldin bada, pertsona horrek Hauteskunde Batzordeari idatziz eta hautesle-errolaren behin-behineko onenaren ostean hiru (3) laneguneko epean gehienez zein hautesle-errolatan sartua izan nahi duen jakinarazi beharko dio. Aukera hori burutu ezean, automatikoki adskribatuko da lizentzia kopururik txikiena daukan estamentura.

Hauteskunde Batzordeak onesten duen hautesle-errola Federazioaren lokaletan kokatuta dagoen iragarki-oholean jarriko da interesdun guztien eskura. Hauteskundeetara hautagai gisa beren buruak aurkeztu dituztela eta interesa daukaten pertsona guztiei hautesle-errolaren kopiak emango zaizkie.

II. KAPITULUA HAUTESKUNDE BATZORDEA

6. artikulua. Hauteskunde Batzordearen osaketa, eskumenak eta funtzionamendua

Hauteskunde Batzordea Federazioaren Batzar Nagusiak izendatuko du hauteskundearen prozesua hasi baino lehen egiten duen azken bileran.

Hauteskunde Batzordea (titularrak eta ordezkokoak) federazioaren estatutueta ezartzen den moduan osatu eta hautatuko da.

Hauteskunde Batzordeko kide izateko hautatutako pertsonak kargua onartu beharko dute, eta betebeharrak horretatik dispentsatuta eta diziplina erantzukizunik gabe geratuko dira lana, familia, ikasketak, osasuna edo antzekoekin lotutako arrazoi frogatuen ondorioz beren funtzioak behar bezala bete ezin dituzten federatuak.

Titularrak ez baldin badaude bertan, beren ordezkoei ordezkatuak dituzte.

Hauteskunde Batzordeko titularren artean hutsik geratzen diren postuak ordezkoei beteko dituzte Batzar Nagusiak izendatu dituen ordenan.

Hauteskunde Batzordean Federazioko Idazkari Nagusia eta Aholkulari Juridikoa egongo dira (Federazioak horrelakorik izatekotan) eta federazioaren administrazio zerbitzuen laguntza egongo da. Haien izendatu aurretik Federazioko Batzar Nagusiak hala erabakitzen baldin badu, hura osatzen duten kideek ordainsari bat jaso ahalko dute.

Eskumenak: Hauteskunde Batzordeak hautesle-errola, hautagaien aurkezpen eta aldarrikapena, Batzar Nagusiko kideen edo Presidentearen aldarrikapenaren inguruko jazoerak antzeman eta ebazteko eskumena izango du, baita hauteskundearen eta haien emaitzei zuzenean eragiten dieten bestelako gai guztien gaineko erabakiak hartzeko eskumena ere.

Sor litekeen beste edozein gai, hauteskunde arautegi honetan jasota ez dagoenean, haren inguruan ezer aurrez ikusi ez delako edo aurrez ikusitakoak interpretatzearen ondorioz, Hauteskunde Batzordeak ebaztuko ditu hauteskundeetarako ezarri den eguna baino lehen.

Funtzionamendua: Hauteskunde Batzordeak bilerak egiten jarraituko du, bere funtzioekin jarraituko du, Federazioaren lokaletan, kide guztiek aho batez erabakita, beste lokal batzuetan egiten diren aparteko kasuetan izan ezik.

Haren osaketa baliozkoa izateko, beharrezkoa izango da gutxienez haren hiru kideetako bi bertan egotea. Hauteskunde Batzordeko kideetako bat ere bilerara bertaratzen ez den aparteko kasuetan, Presidente lanetan diharduen pertsonak (edo kasuan kasu, Zuzendaritza Batzordeak) hauteskundeen prozesuak aurrera jarraitzeko beharrezkoak diren erabakiak hartuko ditu aldi baterako, baina gero, Hauteskunde Batzordeak erabaki horiek berretsi beharko ditu.

Hauteskunde Batzordeko idazkariak Batzordeak egiten dituen bilera guztien akta jaso beharko du, eta bilerara bertaratutako guztiek sinatu beharko dute.

Ahal den guztietan, bileran hartutako erabakiak banan-banan jakinarazi beharko zaizkie interesdunei; nolana ere, Federazioaren iragarki-oholean argitaratu beharko dira beti. Hauteskunde Batzordeak, presazkoa denean eta betiere jakinarazpena jasoko dela bermatuta badago eta kideek berariaz onartuz gero, posta arrunta, posta elektronikoa, faxa, bideokonferentzia eta antzeko baliabide teknikoak erabili ahalko ditu erabakiak jakinarazteko. Arestian azalduko bideetariko bat jarraitzea erabakiko balitz, Hauteskunde Batzordeko idazkariak Federazioko administrazio zerbitzuek lagunduta, bilerari dagokion akta idatziko luke eta akta horri gutunen, faxen eta antzeko agirien originalak erantsiko lizkioke.

Hauteskunde Batzordearen erabakiak exekutiboak dira eta botoen gehiengoarekin egingo dira. Berdinketa gertatzen denean Presidentearen botoa ebazlea izango da. Gehiengoaren erabakiaren aurka emandako botoak, betiere boto-emaile bakoitzak bere izenean arrazoitzen baditu, Zuzenbidearen kontrako erabakiak hartzeak erakar ditzakeen erantzukizunetik salbuetsiko ditu boto-emaile horiek.

Hauteskunde Batzordearen erabakien kontrako errekurtsua aurkeztu ahalko da Hauteskunde Batzordearen aurrean bi laneguneko epean. Epe hori haren jakinarazpenaren, edo kasuan kasu, argitalpenaren osteko egunetik aurrera zenbatuko da.

Errekurtsu horien ebazpenen aurka egin nahi baldin bada, interesdunek errekurtsuak Kirol Justiziako Euskal Batzordearen aurkeztu ahalko dituzte egutegiko zazpi (7) eguneko epean eta aurreko kasuan bezala zenbatuko da epea.

Batzar Nagusirako eta Presidentetzarako hauteskundeen prozesuak amaitu ondoren, Hauteskunde Batzordea karguan mantenduko da lau urte bete arte, hau da, hurrengo Olinpiada jokatu den urteko Hauteskunde Batzorde berria izendatu arte. Hori horrela bada ere, Batzar Nagusiak, epe hori amaitu baino lehen, Hauteskunde Batzordea kargutik kendu eta beste bat izendatu ahalko du.

Batzar Nagusian hutsik dauden karguak betetzeko hauteskunde partzialak egin beharko balira, berriro ere deituko litzateke Hauteskunde Batzordea. Deialdia Federazioko Presidenteak, horren ordezkioak edo Batzar Nagusiko kideen ehuneko 5ek egin behar du, Arautegiko 1. artikuluan ezarrita dagoen prozedurarekin bat etorritik.

Federazioak Hauteskunde Batzordearen eskura jarriko ditu Federazioak dauzkan giza baliabide eta baliabide material guztiak, Batzordeak bere eginkizunak bete ahal izan ditzan, hauteskunde-prozesua ondo egin ahal izan dadin eta prozesu horrek behar besteko zabalkundea izan dezan.

III. KAPITULUA ERREKURTSO SISTEMA

7. artikulua. Errekurtsuak jartzea

Aurreko artikuluan ezartzen denaren arabera, errekurtsuak aurkez daitezke Hauteskunde Mahaia edo Hauteskunde Batzordeak hartzen dituzten erabakien aurka. Errekurtsuak Hauteskunde Batzordeari berari zuzendu behar zaizkio, Kirol Justiziako Euskal Batzordearen eskumenekoak diren errekurtsuak izan ezik. Errekurtsuak egutegiko bi eguneko epean aurkeztuko dira eta epe hori jakinarazpenaren edo kasuan kasu, argitaratzen den egunetik aurrera zenbatuko da. Epe hori errekurtsorik aurkeztu gabe igarotzen denean, erabakiak edo ebazpenak finkoak izango dira.

8. artikulua. Errekurtsoen ebazpena

Hauteskunde Batzordeak gehienez ere egutegiko lau eguneko epea izango du errekurtsoetan azaldutakoa ebazteko. Ebazpena ematerakoan honako aukera hauek izango ditu: errekurtsoan eskatzen dena osorik baiestea, zati batean baiestea, edo errekurtsoa ez onartzea, baldin eta formazko akats konponezinen bat badago.

Aurreko puntuan zehazten den epea amaitu eta errekurtsoa ebatzi ez baldin bada, errekurtsoa Administrazioaren isiltasunez ezetsita dagoela ulertuko da eta zabalik geratuko da Kirol Justiziako Euskal Batzordera jotzeko bidea.

Hauteskundeen inguruko errekurtsoak ebazten dituzten Hauteskunde Batzordearen ebazpenek federazio bidea amaituko dute. Ebazpen horien aurka errekurtsoa aurkeztu ahalko da Kirol Justiziako Euskal Batzordearen aurrean. Azken errekurtso hori aurkezteko egutegiko zazpi (7) eguneko epea egongo da errekurtsoa ezesteko ebazpena ematen denetik edo errekurtsoa ebazteko epea ebatzi gabe amaitzen den egunetik zenbatzen hasita.

Aurreko artikuluan aipatzen diren erabakiek edo jakinarazpenek pertsona fisiko edo juridiko baten bidezko eskubideak edo interesak ukitzen badituzte, orduan, pertsona fisiko edo juridiko hori legitimatuta egongo da Hauteskunde Batzordeari errekurtsoa aurkezteko.

9. artikulua. Errekurtsoak izapidetzea

Presidente lanetan diharduten pertsonak (edo kasuan kasu, Zuzendaritza Batzordeak) edo errekurtsoa aurkeztu zaion beste erakunderen batek berehala eman beharko die horren berri horien estimazioaren eragina jasan dezaketen eskubide edo interesak dauzkaten guztiei, eta bi lanegun emango zaizkie egokitzat jotzen dituzten alegazioak egiteko.

Aurreko paragrafoan aurrez ikusitako entzunaldiko izapidea bete ondoren, denbora gehiago itxaron gabe, errekurtsoa aurkeztu zaion organoak Hauteskunde Batzordeari bidaliko dizkio bai interesdunek aurkeztutako alegazioak, jatorrizko espedientearekin batera, bai Batzorde Kudeatzailearen txostena bera.

IV. KAPITULUA

BATZAR NAGUSIRAKO HAUTAGAIK ETA INPUGNAZIOAK

10. artikulua. Batzar Nagusiko kide izateko hautagaien betekizunak

Federazioaren Batzar Nagusiko kide izan ahal izateko ondorengo baldintza hauek bete beharko dira:

- a) Hautesle-errola onesten den egunean adinez nagusia (hemezortzi urte) izatea.
- b) Pertsona fisikoen kasuan, administrazio-egoitza Araban izatea, edo pertsona juridikoen kasuan, sozietatearen helbidea Araban izatea.
- c) Kirol-diziplinako zigor irmo baten ondorioz karguak edo betebeharrak gauzatzeko gaitasuna kenduta ez izatea.
- d) Kargu publikoa betetzeko gaitasuna gabetzea dakarren epai irmo bidez kondenatua ez izatea.
- e) Epai irmo bidez ezgaitutzat joa ez izatea.
- f) Hauteskunde Batzordeko edo Hauteskunde Mahaiko kide ez izatea.
- g) Hautagaiaren estamentuari dagokion hautesle-errolako atalean agertzea edo behar bezala errolatuta dagoen entitate baten ordezkari izatea.
- h) Hautagaitza hauteskunde arautegian ezarritakoaren arabera aurkeztekoa.

11. artikulua. Hautagaiak aurkeztea

Hautagai izateko nahia aurkezteko, hautagaiak berak izenpetutako idazki bat aurkeztu behar du hautagaiak (sinadura ondo irakurtzeko modukoa izan behar da eta NAN zenbakia ere adierazi behar du), Hauteskunde Batzordeari zuzenduta. Idazkia Federazioko idazkari nagusiari eman edo posta ziurtatu bidez bidali behar zaio, hauteskundeetako egutegian zehazten den epearen barruan. Idazkian bertan hauek adierazi behar dira: zitazio eta jakinarazpenetarako helbidea, harremanetarako telefonoa eta jaioteguna, baita zein estamentu ordezkatzu aurkezten den ere. Horrekin guztiarekin batera, NANaren kopia ere aurkeztu beharko da.

Hautagaia klub edo kirol elkarte bat baldin bada, klub edo elkarte horren estatutuen arabera erakundearen ordezkari den pertsonak izenpetu beharko du idazkia.

Hautagaiek gehienez ere Batzar Nagusirako kandidatura bana (1) aurkez dezakete.

Hautagaitza bat aurkezten denean, Federazioaren administrazio zerbitzuek eginbidea egingo dute eta bertan, hautagaitza aurkeztu den eguna jasoko da eta ziurtagiria emango zaio aurkezleari.

Hauteskunde Batzordeak egutegiko lau eguneko epea izango du hautagaien behin-behineko zerrendak aurkezteko; horretarako, Federazioaren iragarki-oholean argitaratuko ditu estamentu bakoitzaren zerrendak.

Hautagaien behin-behineko zerrenden aurkako inpugnazioak Federazioan aurkeztu beharko dira; horretarako, zuzenean bertara joan daiteke, Hauteskunde Batzordeari idazkia zuzendu dakioke edo, bestela, inpugnazioak faxez edo posta bidez bidal dakizkioke Federazioari egutegiko bi eguneko epean.

Kandidaturak behin-behinean aurkez daitezke horretarako epea zabalik dagoenean eta ustez hautagai izateko eskakizunak ez betetzearen aurkako errekurso bat ebatzi gabe balego.

Hautagaien behin-behineko aldarrikapena behin betiko egingo da automatikoki, hautaketaren aurka epe barruan aurkeztutako errekurtsorik ez baldin badago.

Inpugnaziorik egonez gero, Hauteskunde Batzordeak ebatzi behar ditu, hauteskunde-egutegian jasota dauden epeetan. Hori egin ondoren, zerrendak behin betiko onetsiko ditu, hautagaiak aldarrikatuko ditu eta hautagaien behin betiko zerrendak Federazioaren iragarki-oholean argitaratuko ditu, baita Federazioaren web orrialdean ere, web orrialdea izanez gero.

Batzar Nagusiko kide hautatu batek kide hautatzeko zeukan izaera galduz gero, automatikoki baja emango zaio Batzar Nagusian.

Estamentu batean dagoen hautagai kopurua ez balitz estamentu horri dagokion gutxieneko ordezkari kopuruaren bestekoa, hutsik geratu diren ordezkari postu horiek modu proportzionalan banatuko lirake gainerako estamentuen artean.

Estamentu jakin batean dagoen hautagai kopurua estamentu horri esleitutako ordezkari kopuruaren bestekoa edo txikiagoa bada, ez da bozketarik egin behar estamentu horretan, eta Hauteskunde Batzordeak hautagaiak aldarrikatuko ditu.

12. artikulua. Interbentoreak

Hautagaiek ahalordea eman diezaioke edozein pertsonari hauteskundeetan bere ordezkari jardun dezan, interbentore moduan, baldin eta ahalordetzen den pertsona adin nagusia bada eta ahal eta eskubide guztiak oso-osorik baditu.

Ahalordetzea notarioaren aurrean edo Federazioaren administrazio zerbitzuen aurrean egin behar da eta horretarako, ahalordea egiten duen hautagaiak eta ahalordetuko den pertsonak bertaratu beharko dute.

Interbentoreek interbentore direla egiaztatu behar dute Hauteskunde Batzordearen aurrean; horretarako, honako hauek aurkeztu behar dituzte: ahalordea eta NAN, pasaportearen edo horien pareko identifikazio-agiria. Interbentoreak bozketa egiten den tokian egon daitezke bozketa eta boto-zenbaketa egiten diren bitartean.

Interbentoreek egin behar duten gauza bakarra bozketa eta boto-zenbaketa zelan egiten diren begiratzea da. Nolanahi ere, eskubidea izango dute bozketa eta zenbaketa egiteko moduari buruzko egoki irizten dizkieten adierazpenak egiteko eta adierazpenok aktan jasota gera daitezzen eskatzeko.

V. KAPITULUA HAUTESKUNDEAK EGITEA

13. artikulua. Hauteskunde Mahaia

Osaketa eta eginkizunak: Hauteskunde Mahaia da bozketa eta botoen zenbaketa zuzen egiten direla zaintzeko ardura daukan organoa; honako eginkizun hauek beteko ditu:

- a) Bozketa bakoitza ondo egiten dela zaintzea: boto-emaileen nortasuna egiaztatuko du eta boto-emaileak hautesle direla ere bai.
- b) Emandako botoak baliozkoak diren ala ez erabakitzea.
- c) Botoak zenbatzea.
- d) Bozketarekin eta boto-zenbaketarekin zerikusia duten gainerako inguruabarrak konpontzea.
- e) Bozketa egiten den lekuan hautagaien aldeko propagandarik egon dadila saihestea.

Federazioan egoitzan Hauteskunde Mahaia bakarria eratuko da Federazioan urte olinpiko bakoitzean egingo diren hauteskunde prozesu guztietarako.

Hauteskunde Mahaia (titularrak eta ordezkioak) federazioaren estatutuetan aurrez ikusten den bezala osatu eta hautatuko da.

Hauteskunde Mahaiko kideek kargua onartu beharko dute, eta betebeharrak horretatik dispendatsatuta eta diziplina erantzukizunik gabe geratuko dira lana, familia, ikasketak, osasuna edo antzekoekin lotutako arrazoi frogatuen ondorioz beren funtzioak behar bezala bete ezin dituzten federatuak. Hauteskunde Mahaiko kide titular posturen bat hutsik egonez gero, leku hori ordezko batek hartuko du.

Hauteskunde Mahaian Federazioko Idazkari Nagusia eta Aholkulari Juridikoa egongo dira (Federazioak horrelakorik izatekotan) eta federazioaren administrazio zerbitzuen laguntza egongo da. Haiek izendatu aurretik Federazioko Batzar Nagusiak hala erabakitzen baldin badu, hura osatzen duten kideek ordainsari bat jaso ahalko dute.

Funtzionamendua: Haren osaketa baliozkoa izateko, beharrezkoa izango da gutxienez haren hiru kideetako bi bertan egotea. Kide titularrak bertaratu ezean, ordezkioek joan beharko dute haien lekuan zozketako hurrenkeraren arabera.

Ordezko kideak joan arren ere gutxienez ez balira pertsona bi egongo, falta direnen lekua botoa ematera joan diren lehenengo hautesleek beteko lukete, baldin eta hautagaiak ez balira.

Mahaiko kideak bozketa egunerako jarritako ordua baino ordu erdi lehenago batuko dira, bozketarako jarrita dagoen lekuan; Federazioko kide baten laguntza izango dute, eta kide horrek emango dizkie Mahaia funtzionatzeko behar dituen baliabide guztiak.

Hauteskunde Mahaia hartzen dituen erabakiak Federazioaren iragarki-oholean argitaratuko dira, baita web orrialdean ere, web orrialderik egonez gero eta horrez gain, interesdun guztiei ere jakinarazi beharko zaizkie, ahal izanez gero.

Akordio horien aurka egin ahal izango da Hauteskunde Batzordearen aurrean eta bi egun balioduneko epean, jakinarazpena edota argitalpena egiten den egunaren hurrengotik hasita.

Hauteskunde Mahaiaren idazkariak mahaiaren eraketaren akta egingo du, eta mahaikide guztien sinatu beharrekoa izango da.

14. artikulua. Bozketaren prozedura

Bozketa estamentuka egingo da; horretarako, hauteskundeak egiten diren lokalaren sarre-ran mahaia izango da gutun-azal eta txartelekin hautesleen eskura. Estamentu batek hautatu beharreko plaza kopuruaren berdina edo txikiagoa den hautagai kopurua aurkezten badu, ez da beharrezkoa izango hautapenik egitea estamentu horren baitan.

Federazio estamentu ezberdinetako hautesle bakoitzak bere nortasuna egiaztatu beharko du Hauteskunde Mahaiari NANA, pasaportea, gidabaimena edota identifikatzeko balio duen beste antzeko dokumenturen bat erabilita. Kluben edo kirol elkarten aldetik presidentek edo behar bezala baimenduriko ordezkariak bozkatu ahalko du, betiere, erakundeko idazkariak presidentearen oniritzia jasota egindako ziurtagiria izanda. Dokumentuak erakundearen legezko ordezkariak nork egiten duen edo bozketetarako ahaldua nor den ziurtatu beharko du. Horrez gain, haren nortasuna egiaztatzeko dokumentua beharko da ere.

Ez da onartuko pertsona fisikoek botoa ematea beste norbaiten eskuetan edo ordezkariaren eskuetan uztea.

Mahaiaren idazkariak erroldaren zerrendan adieraziko ditu bozkatu dutenak.

Botoaren txartel ofiziala mahaiaren presidenteari entregatuko zaio; hark xede horretarako prestatuko den eta itxita egongo den hautestontzian sartuko du, boto bakoitza bozkatzeko duenaren kasuan kasuko estamentuari dagokion horretan. Izan ere, estamentu beste hautestontzi erabiliko da.

Teknikarien eta epaileen estamentuek bi hautestontzi ezberdin erabiliko dituzte.

Botoa berdina, askea eta isilekoa izango da, eta Hauteskunde Batzordeak emandako txartel ofizial bidez egin beharrekoa izango da. Bertan, estamentu bakoitzeko postuak betetzeko onartu diren hautagaietatik lehentasunezkozat nor(tzuk) jotzen den adierazitako da.

Hautesle bakoitzak bere estamentuan aukeratu beharreko ordezkari kopuru berdinean bozkatu ahalko ditu gehienez hautagaiak. Botoak hautesleari dagokion estamentuan aurkezten diren hautagaien alde bakarrik eman ahalko dira.

Bozketak bi (2) ordu iraungo ditu gutxienez etenik izan gabe. Hauteskunde Batzordeak bozketak amaitzeko jarritako orduan, Hauteskunde Mahaiaren presidentek ahots ozenez iragarriko du bozketa amaitzera doala, eta bertan diren hautesleetatik norbait oraindik bozkatzeko dagoen galdetuko du. Une horretara arte onartu ez den botoa onartuko du, eta ez zaio inor gehiagori baimenik emango lokalean sartzeko.

Ez da postaz emaniko botorik onartuko.

15. artikulua. Hauteskunde Mahaiaren kide direnen botoa

Jarraian, hautesle izaera duten ikuskatzaileek, mahaikideak, idazkariak eta, azkenik, mahaiaren presidentek emango dute botoa.

16. artikulua. Zenbaketa

Behin Hauteskunde Mahaiaren presidentek bozketa amaitzen duenean, hura itxitzat joko du eta zenbaketarekin hasiko dira.

Zerrenda ezberdinetan idatziko dira boto baliagarriak, baliogabeak eta zurian emanikoak.

Baliogabekotzat hartuko da estamentu bakoitzean izendatu beharreko hautagai kopurua baino izen gehiago jasotzen dituen txartela, edo hautagai gisa aurkeztu ez direnen izenak jasotzen dituenena. Halaber, baliogabekotzat joko dira Hauteskunde Batzordeak ofizialki onartutako gutun-azal edo txartel ereduaren ezberdinak direnetan ematen diren botoak nahiz gutun-azalik gabe edo hautagaitza ezberdinetako txartel bat baino gehiago biltzen dutenak. Gutun-azalek hautagaitza berdineko txartel bat baino gehiago badute, boto baliodun bakar bezala zenbatuko dira. Halaber, baliogabekotzat hartuko dira zerrendan jasotako hautagaien izenak aldarazi, erantsi, azpimarratu edo ezabatu diren txarteletan emanikoak edota horien ordena aldarazia izan dutenetan emanikoak. Halaber, bestelako aldarazpenik jaso duten txarteletan emaniko botoak ere baliogabekotzat joko dira.

Zurian emaniko bototzat joko dira txartelik ez duten edo zurian dauden txartelak dituzten gutun-azalak.

Kasuan kasuko posturako boto kopuru altuena lortu duen hautagaitzak irabaziko du.

Boto emaile kopuruak bat etorri behar du boto emaileen txarteekin, baliodunak, baliogabekoak eta zurian emanikoak barne.

Presidenteak, idazkariak, mahaikideak nahiz ikuskatzaile guztiek adierazitako boto emaileen errolda zerrendak sinatuko dituzte orrialde guztien ertzean eta adierazitako azken izen idatziaren azpi-azpian.

Behin eginbehar horiek guztiak eginda, idazkariak kasuan kasuko akta egingo du ale bikoitzean. Hura presidenteak, idazkariak, mahaikideak eta ikuskatzaile guztiek sinatu beharrekoa izango da.

Hauteskunde Mahaia ikusteko moduko toki batean jarriko ditu lortutako emaitzak.

17. artikulua. Akta entregatzea

Mahaia hauteskundeetako dokumentazioa prestatuko du, eta bi gutun-azal ezberdinetan banatuko da.

Lehenengoak zera bilduko du:

1. Mahaiaren eraketaren jatorriko akta.
2. Ziurtatutako hauteskundearen aktaren jatorrikoa.
3. Eskubidea erabili duten boto emaileak adierazteko erabilitako erroldak.
4. Baliozkotasuna ukatu zaien hauteskunde txartelak, hau da, baliogabekotzat edo erreklamazioen baten xede izandakoak.

Bigarren gutun-azalak zera bilduko du:

1. Mahaiaren eraketaren aktaren kopia.
2. Ziurtatutako hauteskundearen aktaren kopia.

Behin dokumentazioa prestatu denean, presidenteak eta idazkariak, mahaikidearekin eta nahi duten ikuskatzaileekin batera, Federazioaren administrazio zerbitzuei emango diete dokumentazio hori. Hark dokumentuak zainduko ditu Hauteskunde Batzordeari entregatu arte, eta bigarren gutun-azala Arabako Foru Aldundiko kirolen gaietako organo eskudunari helaraziko zaio.

18. artikulua. Emaitzen jakinarazpena

Bozketa egiten den egunaren hurrengo egun baliodunean, Hauteskunde Batzordeak hauteskundeen behin-behineko emaitzak jakinaraziko dizkie Federazioaren Asanblada Orokorreko kideei.

Irabazle suertatuko dira boto baliodun kopuru altuena lortu duten hautagaitzak, hauteskunde prozesupean jarritako estamentu bakoitzeko postuetan.

Bi hautagaien edo gehiagoren artean boto berdinketa egongo balitz, federazioan, hautagai modura aurkeztu diren horien estamentuan, antzinasuna gehien duen pertsona edo erakundeak aurkeztutako hautagaia aukeratuko da.

Berdinketak berean jarraituko balu, kirolarien, teknikarien eta epaileen estamentuan helduen den hautagaiak aurkeztutako hautagaia aukeratuko da. Kluben eta kirol elkarten estamentuan, federatutako kirolari gehien dituen erakundearen hautagaia aukeratuko da.

Berriro ere berdinketa egongo balitz, Hauteskunde Batzordeak zozketa egingo du berdinketan dauden hautagaien artean.

Behin emaitzak ezagututa, Hauteskunde Batzordeak estamentu bakoitzean aukeratutako hautagaiak izendatuko ditu.

Asanblada Orokorrean ordezkari aukeratzeko diren klub edo kirol elkarteek haien izenean jardungo duten pertsonen izena adierazi beharko diote Hauteskunde Batzordeari, lehenengo Asanblada Orokorra egin baino lehen.

19. artikulua. Gatazkak eta erreklamazioak

Aldarrikatutako emaitzen aurkako erreklamazioak Hauteskunde Batzordeari egingo zaizkio zuzenean, eta Asanblada Orokorreko kideen behin-behineko aldarrikapen datatik aurrera. Erreklamazioak Federazioaren egoitzan aurkeztu beharko dira.

Bozketen prozesuarekin zerikusia duten erreklamazio eta aurka egiteak idatziz aurkeztu ahal dira Hauteskunde Mahaian, Hauteskunde Batzordeari nahitaez aurkeztu behar izatearen kaltetan izan gabe.

Aurreko puntuak aipatutako erreklamazioen zabaltzeak Hauteskunde Batzordean jaso beharko dira, bi egun balioduneko epean.

Hauteskunde Batzordeak ebazpenak egin beharko ditu lau egun naturaleko epean.

Hauteskunde Batzordeak erabakitzen duenaren kontrako erreklamazioen aurka egin ahal izango da Kirol Justiziako Euskal Batzordearen aurrean, hamabost egun balioduneko epean.

20. artikulua. Bajak eta postu hutsak ordezkatzeko sistemak eta epeak

Asanblada Orokorrean geratzen diren postu hutsak haren hurrengo hauteskunde orokorrak egin baino lehen, baja jazo den estamentuko erakundeak (klub edo kirol elkarteak) edo pertsona batek (kirolaria, teknikaria edo epailea) beteko du. Pertsona horrek Asanblada Orokorreko kideak hautatu zirenean, boto gehien jasotakoa behar du aipatutako Asanbladan sartzeko aukeratu ez zirenen artetik.

Aurreko paragrafoan adierazitako postu hutsak betetzeko aukeratzeko direnak Asanblada Orokorren hurrengo hauteskunde orokorrak egin arte falta den denboraz egongo dira agintean.

Ordezkapena hamabost eguneko epean egingo da gehienez ere, dagoen postu hutsaren berri izaten denetik aurrera. Epe horretan Federazioaren idazkari orokorrak inguruabar horren berri emango dio Hauteskunde Batzordeari, hark kide berria izenda dezan eta erabakia jakinaraz dezan.

Kontuan izan beharrekoa izango da ere Eusko Jaurlaritzaren Kultura sailburuaren 2008ko urtarrilaren 28ko Aginduaren 44 artikuluan adierazitakoa. Aginduan euskal kirol federazioen eta lurralde federazioen hauteskunde erregelamenduak prestatzeko eta hauteskundeak egiteko irizpideak finkatzen dira.

II. TITULUA FEDERAZIOAREN PRESIDENTEA AUKERATZEA

I. KAPITULUA AUKERAKETAREN DEIALDIA

21. artikulua. Deialdia eta hauteskunderen egutegia

Asanblada Orokor berriko kideen behin betiko aldarrikapena egiten den egunaren hurrengoan bilera egingo du Hauteskunde Batzordeak, Ezohiko Asanblada Orokorra deitzeko. Bertan, presidentea aukeratuko da eta horretarako hauteskunderen egutegian kontuan izan beharko dira jarraian zehaztuko diren epeak.

Zazpi (7) egun naturaleko epea ezarriko da presidente izateko hautagaiak aurkezteko, aukeraketaren deialdia egiten denetik hasita.

Hautagaiak aurkezteko epea amaituta, Hauteskunde Batzordeak horiek onartzea edo ez ebatziko du hurrengo bi (2) egun baliodunen epean. Behin-behineko jakinaraziko ditu onartzen direnak.

Hauteskunde Batzordeak bi (2) egun balioduneko epea eman ahalko du, hautagaitzaren batean sumatu ahal izan diren eta konpontzeko modukoak diruditen akatsak zuzentzeko.

Hautagaitzak behin-behineko jakinarazi ondoren, beste bi egun balioduneko epe berri bat irekiko da Hauteskunde Batzordeari berari erreklamazioak aurkezteko horien onarpenaren edo onarpen ezaren gainean.

Behin epe hori igarota eta erreklamaziorik badago, Hauteskunde Batzordeak 4 egun naturaleko epea izango du gehienez aurkeztutako guztiak ebatzeko. Errekurtsoa jarri dutenei hartutako ebazpenen berri emango zaie, eta, ondoren, hautagaitzen behin betiko jakinarazpena egingo da. Hauteskunde Batzordeari ez bazaio inolako erreklamaziorik aurkezten, hautagaitzen behin betiko jakinarazpena egingo du epe berdinean.

Behar bezala aurkeztutako hautagaitzak behin betiko onartzea adostuta, Hauteskunde Batzordeak egun berdinean deituko du presidentea hautatzeko egin beharreko Ezohiko Asanblada Orokorra. Deialdiaren eta hura egiten den egunaren artean ezingo da hamabost (15) egun natural baino gehiagoko denbora tartetik izan, ezta hamar (10) egun baino gutxiagokoa ere. Eguna ezingo da jarri kirol probak edo lehiaketa ofizialak probintzian edo autonomia erki-degoan egingo diren datan.

Hauteskunderen egun berdinean, Ezohiko Asanblada Orokorra bukatu ondoren eta Hauteskunde Mahaiak zenbaketaren emaitzak islatzen dituen hauteskunderen akta jasota, Hauteskunde Batzordeak bilera egingo du, presidentea behin-behineko izendatzeko.

Emaitzen aurka egiteko lau egun balioduneko epea irekiko da, eta aukeraketa egiteko erabili zen Ezohiko Asanblada egin zen egunaren hurrengo egun baliodunetik aurrera hasita.

Behin epe hori igarota, Hauteskunde Batzordeak 4 egun naturaleko epea izango du gehienez erreklamazioak ebatzeko, eta ebatzitakoaren berri errekurtsioa jarri dutenei emango die.

Behin egun daitezkeen erreklamazioak ebatzita edo horrelakorik ez badago, Hauteskunde Batzordeak behin betiko izendatuko du federazioaren presidentea.

22. artikulua. Hauteskunde errolda

Federazioaren presidentea aukeratzeko hauteskunde errolda Asanblada Orokor berriaren kide aukeratu diren guztiek eratuko dute, betiere, Hauteskunde Batzordeak horrela izendatu baditu.

23. artikulua. Asanbladaren deialdia

Behin hautagaitzen behin betiko onarpena egiten denean, pertsonalki jakinaraziko zaie Ezo-hiko Asanblada Orokorren deialdia Asanblada Orokorreko kide guztiei eta hura hauteskunde egutegian hasieratik aurreikusitako datarekin bat etortzen bada ere. Bertan, deialdiaren tokia, eguna eta ordua adieraziko dira, bai lehenengo deialdiari, bai bigarrenari dagokionez.

Federazioaren estatutuetan adierazitakoarekin bat etorriz, deialdia, eguneko gai zerrendarekin batera, idatziz jakinarazi beharko zaie Asanbladako kideei eta 15 egun naturaleko gutxieneko aurrerapenarekin, edo, bestela, estatutuekin bat etorriz, egokia den denborarekin.

**II. KAPITULUA
PRESIDENTE IZATEKO HAUTAGAITZAK****24. artikulua. Presidente izateko hautagaien betekizunak**

Adinez nagusi izatea presidentea aukeratzeko bozketaren egunean.

1. Administrazio egoitza Araban izatea.
2. Erabaki judizial irmoaren ondotik ezindu deklaratu ez izana.
3. Karguak edo funtzioak betetzeko desgaikuntza ekartzen duen Kirol diziplinako zigor irmoari atxikita ez egotea.
4. Hautagaitza erregelamendu honetan ezarritakoarekin bat etorriz aurkeztea.
5. Hauteskunde Batzordeko edota Hauteskunde Mahaiairen kide ez izatea.
6. Epai judizial irmo bidez kargu publikoa betetzeko desgaikuntza ekarri duen zehapenik jaso ez izana.
7. Estatutuetan ezarritako agindu kopuruaren mugaketan ez egotea, beste hautagairik aurkezten ez bada behinik behin.

Aurreko betekizunetz gain, presidente hautagaia Asanblada Orokorreko kide izan beharko da, edozein estamenturen ordezkari modura. Horretarako, ezingo du Asanblada Orokorreko kide den pertsona juridiko baten ordezkari izan eta hura, aldi berean, bertako kide izatea pertsonalki eta beste estamentu baten izenean. Asanblada Orokorreko kide diren pertsona juridikoen ordezkari izateko presidenteari dagokio, edo, bestela, ordezkari hori behar bezala egiaztatzen duenari.

25. artikulua. Hautagaitzak eta aurka egiteak aurkezteko modua

Hautagaitzen aurkezpena Hauteskunde Batzordeak ofizialki onartutako inprimakian egin beharko da, hauteskunde erregelamenduak zehaztutako epe eta moduan. Hauteskunde Batzordeak ofizioski ziurtatu beharko du hautagai aurkeztutako pertsonak federazio arauak betetzen dituzten edo ez, aginte mugaketen eta aurreko artikuluan adierazitako gainerako betekizunen gainean. Horretarako, funtzioko lehendakari egiten duenak eman beharreko dokumentuak aztertuko dira.

**III. KAPITULUA
ASANBLADA OROKORRA EGIN ETA PRESIDENTEA AUKERATZEA****26. artikulua. Eraketa eta eguneko gai zerrenda**

Asanblada Orokorra lehenengo deialdian edo bigarrenaren eratu da, Hauteskunde Batzordeak adierazitako egunean eta erregelamendu honetan zehaztutako epearen barruan. Eguneko gai zerrenda honakoa izango da:

1. Asanblada formalki eratzea.
2. Hauteskunde Mahaia eratzea.
3. Presidente hautatzea.
 - a) Hautagaitzen aurkezpena eta defentsa.
 - b) Bozketak.

4. Emaizten behin-behineko aldarrikapena.

Asanblada Orokorra formalki eratuta estatutuetan eskatutako quorumarekin eta kideek nortasuna egiaztatu ondoren Hauteskunde Batzordearen aurrean, bileretan izango den Hauteskunde Mahaia eratuko da.

Asanblada Orokorraren Hauteskunde Mahaian federazioaren idazkari orokorra eta aholkulari juridikoa izango dira, horrelakorik dagoen kasuan, eta, edonola ere, federazioaren administrazio zerbitzuen laguntza izango da.

Hauteskunde Mahaiaren presidentek bilera irekita, hautagaitzak aurkeztuko dira. Horretarako, bozketa egin aurretik, presidente izateko hautagai bakoitzak bere programa aurkeztuko dio Asanbladari, gehienez ere hamabost (15) minututan zehar.

Ondoren, bozketa egingo da estamentuka, Asanblada Orokorreko kide bakoitzaren izena aipatuz Hauteskunde Mahaiaren presidentek.

Boto emaile bakoitzak botoa eman nahi dion hautagaitzari dagokion txartela emango dio Hauteskunde Mahaiaren presidenteari. Hark xede horretarako Hauteskunde Mahaiaren aurrean jarritako hautestontzi batean jarriko du botoa.

Bozketa askea, berdina, isilekoa eta zuzena izango da (ez da onartuko posta bidezko botoa edota beste pertsona fisikoren baten eskuetan utzitakoa).

Asanblada Orokorreko kide guztiei bozkatzeko deia eginda, amaitutzat joko da bozketa eta berehala zenbatuko dituzte Hauteskunde Mahaiaren kide direnek emandako botoak.

Baliogabekotzat joko dira Hauteskunde Batzordeak ofizialki onartutako gutun-azal edo txartel ereduaren ezberdinak direnetan ematen diren botoak nahiz gutun-azalik gabe edo hautagaitza ezberdinetako txartel bat baino gehiago biltzen dutenak. Gutun-azalek hautagaitza berdineko txartel bat baino gehiago badute, boto baliiodun bakar bezala zenbatuko dira. Halaber, baliogabekotzat hartuko dira hautagaiaren izena aldarazi, erantsi, azpimarratu edo ezabatu diren txarteletan emanikoak. Halaber, bestelako aldarazpenik jaso duten txarteletan emaniko botoak ere baliogabekotzat joko dira.

Zurian emaniko bototzat joko dira txartelik ez duten edo zurian dauden txartelak dituzten gutun-azalak.

Berataratzen diren kideen aldetik boto baliiodun gehien jasotzen dituen hautagaitzak irabaziko du.

Berdinketaren kasuan, behin-behineko etengo da bilera Hauteskunde Batzordeak adierazten duen epean. Denbora tarte hori ez da ordu erdi baino gutxiagokoa edota bi ordu baino gehiagokoa izango, eta bigarren bozketa bat egingo da boto berdinketa duten lehenengo hautagaitzekin bakarrik.

Berdinketak berean jarraitzen badu, Ezohiko Asanblada amaitutzat joko da eta berri bat iragarri beharko da hirugarren bozketa bat egiteko. Bozketa hori boto berdinketa duten lehenengo hautagaien artean egingo da, eta hogeit (20) egun naturaleko gehieneko epean egin beharrekoa izango da, Hauteskunde Batzordeak horren gainean hartzen duen akordioari jarraiki.

Berriro ere berdinketa egongo balitz, Hauteskunde Batzordeak zozketa garbia egingo du une horretan bertan berdinketan dauden hautagaien artean.

Hauteskundea amaituta, behin-behineko jakinaraziko da zein izan den hautagaitza irabazlea, eta Hauteskunde Mahaiaren idazkariak dagokion akta egingo du. Hura mahaikideek sinatu beharko dute, eta Hauteskunde Batzordeari helaraziko zaio.

Presidenteak Asanbladaren presidentzia hartuko du aukeratua suertatu den bozketa egin ondoren berehala. Hitz batzuk esan ahalko dizkio hari, eta bilera amaitutzat jo.

27. artikulua. Hautagaitza bakarra

Federazioaren presidentziarako hautagaitza bakarra aurkezten bada, ez da beharrezkoa izango bozketarik egitea. Ondorioz, Hauteskunde Batzordeak hura izendatuko du berehala, eta hori federazioaren iragarki oholean argitaratuko da, Ezohiko Asanblada Orokorra egin beharrik gabe.

XEDAPEN OROKORRAK

Lehenengoa. Datu pertsonalen babesa.

1. Kasu guztietan Datu Pertsonalen Babeserako abenduaren 13ko 15/1999 Lege Organikoan ezarritakoa aplikatu beharko zaie hauteskunde erroldei.

2. Ez da federatuen baimen espresa behar izango hauteskunde erroldetan bildutako datuak jendaurrean jartzeko eta horiek lagatzeko, xede bakarra federatuei dagozkien eskubideak berdintasun baldintzetan erabiltzea denean hauteskunde prozesuan, edota helburua hauteskunde prozesuak arautzen dituen otsailaren 28ko aginduak kirol federazioetako hauteskunde organoei egokituriko lanak edo funtzioak betetzea bada.

Hauteskunde Batzordeak behin betiko onartzen dituen hautagaitzek hauteskunde errolden kopia eskuratzeko eskubidea izango dute.

Hirugarren pertsona batzuek hauteskunde datuak erabiltzen badituzte hauteskunde erroldak berezkoak ez dituen beste xede batzuetarako, kasuan kasuko diziiplina, administrazio edo zehapen erantzukizuna urratzen arituko lirarteke.

Bigarrena. Egun baliodunak.

Kirol federazioen hauteskunde prozesuak arautzen dituen otsailaren 28ko aginduan eta hauteskunde erregelamendu honetan ezarritako epeak, kontrakoa adierazten ez den bitartean, egun baliodunekoak izango dira, igandeak eta jaiegunak kanpoan utzita.

Hirugarrena. Herri Administrazioen Araubide Juridikoaren eta Administrazio Prozedura Erkidearen 30/1992 Legearen eta hauteskundeen legedi orokorraren aplikazioa.

Kirol federazioen hauteskunde prozedurak arautzen dituen otsailaren 28ko aginduan eta hauteskunde erregelamendu honetan ezarritakoa nahikoa ez bada, Herri Administrazioen Araubide Juridikoaren eta Administrazio Prozedura Erkidearen 30/1992 Legean bildutako printzipio eta arauak aplikatuko dira prozedurari dagokionez. Hauteskundeei dagokienez, berriz, hauteskundeen legedi orokorrean bildutako printzipio eta arauak aplikatuko dira.